



PARLIAMENT
OF THE REPUBLIC OF SOUTH AFRICA

KGPELO YA DITŠHIŠINYO

THWALO YA MALOKO A MABEDI A LEKGOTLA LA TAOLO YA DIKGOKAGANYO TŠEO DI IKEMETŠEGO TŠA AFRIKA BORWA (ICASA)

Dihlongwa le/goba batho ba laletšwa go šišinya maina a batho bao ba tla tlatšago dikgoba tše pedi ka go Khansele ya Icasa, go ya ka Molao wa Nomoro 13 wa 2000 wa Taolo ya Dikgokaganyo tšeo di Ikemetšego tša Afrika Borwa [Bjalo ka ge o fetošitšwe ke Molaophetošo wa Nomoro 64 wa 2002 wa tša Kgašo, le Moalophetošo wa Nomoro 2 wa 2014 wa Taolo ya Dikgokaganyo tšeo di Ikemetšego tša Afrika Borwa].

Icasa e dira melawana le dipholisi tša go buša tša kgašo le dikgokaganyo tša kgole tša dikgahlego tša setšhaba, go gonthiša toka le dikgopolo tša go fapana, le go lekola tikologo le go gapeletša kobamelo ya melao, melawana le dipholisi, e theeletša dillo le dipelaelo tša intasteri gomme ya tšea sephetho, e beakanya le go laola bogolo bja kgokaganyo le tšhireletšo ya badiriši go ditlwaelo tšeo e sego tša toka tša kgwebo, ditirelo tša khwalithi ya tlase le ditšweletšwa tše kotsi goba tša khwalithi ya tlase.

Batho bao ba šišinywago ba swanetše go ineela go dira toka, tokologo ya tlhagišo, go beya dilo pepeneneng le go ba le maikarabelo gomme e be baemedi ba karolokgolo ya setšhaba sa Rephabliki gomme ba be le mangwalo a dithuto ao a nyakegago, bokgoni le maitemogelo a, magareng ga tše dingwe, tša kgašo, dikgokaganyo tša se-elektroniki le pholisi goba ditshepedišo tša tša poso, tlhabollo ya pholisi ya setšhaba, boentšenerere bja se-elektroniki, molao, theknolotši ya tshedimošo, diteng ka tsela efe goba efe, tšhireletšo ya badiriši, thuto, tša ekonomi, ditšhelete goba bokgoni bjo bongwe bjo bo amegago goba mangwalo a dithuto, gomme e swanetše go ba badudi ba Afrika Borwa ba go dulela sa ruri mo Rephabliking.

Ditšhišinyo tša go ngwalwa di swanetše go ba le leina ka bottlalo le aterese ya sehlongwa le/goba motho wa go šišinya, motho wa go šišinywa a saene gore o dumela gore leina la gagwe le šišinywe, le CV ya gagwe, gomme e neelane bonnyane ka tshedimošo ya tše pedi tšeo di latelago:

- Maina ka bottlalo, nomoro ya ID le bong
- Aterese ya kgokaganyo, nomoro ya mogala le ya fekese le aterese ya emeile
- Maitemogelo a mošomo wa pele (go tsopolwe matšatšikgwedi le maina a dihlongwa)
- dikhopi tša go sethifaiwa tša mangwalo a dithuto le khophi ya id.

Ditšhišinyo le dipotšišo di lebišwe go Komiti ya Photefolio ya Dikgokaganyo (E lebišwe go, **Mna Thembinkosi Ngoma**, Mongwaledi wa Komiti), 3rd Floor, 90 Plein Street, Cape Town, 8001 goba di emeilelwe go ngoma@parliament.gov.za goba di fekesetšwe go **0865225740**. Dipotšišo ka mogala di ka lebišwa go **(021) 403 3733** goba **0837098407**.

Letšatši la mafelalo la go amogela ditšhišinyo ke: Labohlano, 30 June 2017 ka 16:00.

Hle lemoga gore mangwalo a dithuto a bao ba šišintšwego a tlo lekolwa gomme ba lekolwa le ge e ba ga se ba amega go tša bosenyi. Ditšhišinyo tša go latelwa di ka se amogelwa. Bao ba kilego ba romela dikgopela ga ba swanelwa go romela labobedi.

Tlhagišo ka **Mna Humphrey Maxegwana, MP** – Modulasetulo: Komiti ya Photefolio ya tša Dikgokaganyo.

Parliament. Making Democracy Work

www.parliament.gov.za